

蘄州志卷之十六

知蘄州事嶺西封蔚初



人物志

尚義

制事之準莫大乎義君子於行義難言之布衣一諾重於兼金中流一壺尊於拱璧夫有取爾也是故慷慨樂為人緩急者亦足多焉志尚義

宋

祝文蔚蘄州士人嘉定十四年三月金人犯唐州陷蘄

蘄州志

卷十六

尚義

一

州知州李誠之及其屬吏皆死之詔趙方往救方遂命許國扈再興解唐城之圍國還鄂州保江再興引軍至蘄州之靈山伺金人歸而擊之文蔚橫突入陣大敗金人再興乘勝追逐六十里擒其監軍合答等張德興蘄州民當幼主稱制海中舒黃蘄義兵相繼起德興與安慶野人原寨主劉源起兵司空山屬縣人博高亦起兵應元宣撫使賈居貞移檄諭以禍福兵稍稍渙散高知不可為變姓名逃元兵獲而殺之

明

顧禧正統中出穀賑饑事聞勅曰咨爾湖廣黃州府蘄
州民顧禧國家施仁養民爲首爾能出穀一千一百
石助賑朕用嘉之特賜勅獎諭榮以羊酒旌爲義民
仍賜免本戶雜役三年尙允蹈忠厚表勵鄉俗用副
朝廷褒嘉至意欽哉故勅正統六年四月十八日命
有司立旌善坊

陳仁惠字守介宏治例貢和平正直族衆宗爲長諸事
悉聽命焉封祖壠增祀田有孝義稱

胡從瀾與弟從滿從謹世居蘇家山五代不析箸正德

蘄州志

卷十六

尙義

二

中載穀千石至省城值饑盡捐以賑爭聞勅旌善
劉正佳字繼山州諸生性好義嘉靖間兩次爲粥賑饑
李扶號開甫際春第四子神廟末以明經授淮安府同
知山東大饑撥米發賑適糧艘以河淺不得進扶向
富商貸銀數萬僱人夫起運後鬻產以償事聞加按
察司僉事職弟模兵馬司指揮

陳定國字翼宇客武穴鎮路拾囊金訪爲幕屬所遺得
其人悉還之義聲益著子侯周另傳

胡朝宸字正卿天啟間歲荒出穀五百石以賑復爲粥

於路全活甚眾有義聲兩舉鄉飲耆賓年八十六卒
程應兆萬歷間任南京衛揮使督屯田捐俸助不給據錢志補
陳惟聰字遠承州諸生承惠元孫天性孝友生母唐氏
早卒事後母謝氏如其生母與季弟惟顯惟簡惟哲
相友愛三世同居不析箸人稱其義

陳仁爵字守崇號南湖州諸生篤行孝義父曰桂遺基
業甚豐庶母弟仁敦生甫匝月有謀欲害者爵覺置
幽室令已婦乳哺後敦亦以行義稱

國朝

蘄州志

卷十六

尚義

三

李彥字美仲州學生僉事新弟爲人謹厚多陰德癸未
之難全家被害彥獲免遠竄歸見白骨遍野遂捐資
收瘞於東郊合大塚盧澹崖爲瘞骼記詳藝文

陳士脣字脣白言先子歲貢生讀書明大義不務章句
尤好施予嘗捐牛馬坳爲義塚歿後州黠者佔爲己
業其子國學生澤猷候補營千總起超等清出墾田
租十石資書院膏火

吳士彝字兩燮善玉子以父疎財析箸時僅米十甌初
入國學生至是棄舉子業理家政不二十年田園日

拓其法一本於儉然好義不減於父母歲春出佳種
以助農民鄉里賴之

陳道毅字惟執郡諸生性豪爽樂施與於渴口鎮建橋
三約費千兩募未及半遂鬻腴田百畝成之

李澤溥字沛蒼歲貢生工詩古文才識過人州牧張六
菴有疑案不能決延溥至咄嗟立辨家承貴顯饒於
貲溥振乏絕聯姻族製湯藥施棺木鄉里德之蘄俗
富家每易佃溥獨不易令子孫世守著有雨湖閣文
集津梁醫書

陳心鎮字隱豹州諸生好古慕義時流寇犯境集鄉勇
仿團練法立砦以禦有司壯之功授守備駐劄道士
泐

葉俊士字秀升號渭公歲貢生初授益陽縣訓導陞零
陵縣教諭尋陞施州衛教授所在課士有方人知敬
學致仕歸置本鄉橋渡以濟行人辛亥蘄饑俊士捐
穀賑之全活甚衆

葉優士字餘公號大軒由貢任浙江仁和縣丞夜聞書
聲造廬訪之乃邵生也家貧力學優士月給膏火獎

遇有加禮邵生登顯仕士民立石彰其義

汪同斗字天北年十四爲獻賊所執無懼色賊壯而養之乘間得逃遊蜀十餘年挾貲歸恢復故廬慷慨好義收舊姻方張二姓子飲食教誨并爲婚娶康熙癸卯歲大水同斗收租高山里減價出糶貧者不取值劉漢臣字楚相敦睦端族以孝友世其家父君愛最憐少子析箸時漢臣悉捐膏產以與其弟康熙間州牧張倡建西河橋漢臣捐金督工陰德尤多

陳豐曾字魯士歲貢生平居謙退不欲先人義所當爲

蘄州志

卷十六

尙義

五

慷慨身任其責友愛諸幼弟課以成材治家肅穆室無私財食無異饌有義門風

邱天錫性謹樸好施與堂姪文若蓮若俱少孤天錫撫其成立各完婚配嘗埋白骨尤爲鄉里推重

張星炳字仲華當流寇蠶起結鄉勇以爲捍蔽未幾賊衆突入舉家悉羅於難承平後葬其父母以下六棺撫姪如子恩養倍至

盧暄字星耀好施與鄰里不給必量力以助收瘞無二枯骨康熙三十二年以耆老舉太守戴旌其門

吳善鑄字鼎來幼失怙母手病莫舉每食善鑄必左右之歲饑出賑置喪具施山地以瘞貧

胡正綸字敦五有族兄立嗣已六十餘年軍戶胡姓誣爲逃旗幾瀕於危正綸代白之俾承宗祀里間有爭執一言輒解子便有父風年七十始生子可駸咸謂積慶云

蔡世華字樸先諸生醇謹爲士林推重鄰人有爭執互質於華輒杜門不出後乃緩言以解每歲暮館歸聞戚里不給必解推以濟有義聲

蘄州志

卷十六

尚義

六

田之魁字士元州諸生端方式俗尤輕財尚義倡修薛埠河大橋石路并置渡田募金不給傾儲以成行旅德之

陳欲乘字奉三太學生丙辰荒乘出貸廩穀千石以應貧者不取息鄰邑蘄水亦製扁彰其義

張爲光字秉元與物無競終身不見長吏家素封族里多感其惠

胡啟觀字用賓諸生性樸實無匿情飾貌家頗饒戚里間扶危濟困畧無吝惜

陳欲春字載陽太學生族立房長子姪多就範尤輕財
好義州里有公舉輒踴躍襄其成

胡正科字登一太學生性儉樸自奉淡如鄉人有急者
嘗稱力周之

蔡士元字儒宗例貢生重行誼好施與寺觀橋梁傾圮
者多賴修葺

胡世嶽字中山醇謹老成好行善舉嘗歛穀賑外來饑
民全活甚眾

胡獻美字尊五尙義氣康熙間里有私派無敢言者獻

蘄州志

卷十六

尙義

七

美白其事居常就質訟端多息

范龔祿字繼文生二歲而孤事母終養時有徭役之派
龔祿承應爲鄉人倡某姓喪母無殮葬旣驚其子龔
祿解囊購歸俾全父子始終無德色子正另傳

吳本瑞字瑞玉天性孝友尤好施與康熙癸酉捐穀數
百石煮糜以活鄉人後每值歉歲捐穀如初前牧重
其義與溫處道高培同舉鄉飲賓

王星慶字皇士號逸菴廩生和平溫厚重誼樂施族有
孤子公瑞者無所倚星慶給與腴田經紀其家俾得

成立又朱氏子德修兩世單傳貧不能娶祀幾絕星
慶資給完娶善行多類此士論高之

王興鏊字文恪少讀書不售隱居於鄉百行修整日用
間自奉淡如有羨卽爲貧者助

湯美秩字時卿號庸齋輕財重義兵燹後給族鄰牛種
生計以滋值歲稔捐粟賑饑時分廵守道徐前牧高
胥旌其門

何一貢字序尊家世豐厚好施與族有貸貢貲貿死於
外者貢越千里扶櫬歸不計前貲仍周其妻子鄰有

蘄州志

卷十六

尚義

八

鬻子者貢捐金贖之雍正丁未歲饑穀價昂貴率姪
開卷等減價糶穀六千餘石遠近賴之

王佳士字元臣幼失怙遵母訓撫弟元弼元錫著聲鬻
序嘗以四十金置婢臨行母子相對泣佳士憫焉卽
還券不索償候選縣丞未仕卒

陳欲禎字我承資敏嗜學入郡庠文名噪一時母周氏
病篤刲股求療里黨有義舉尤喜爲之

陳法炎字周琬師雋第五子修葺橋梁道路不惜多金
雍正年山東民流於蘄炎給以口糧路費回籍州牧

詳請表其間

吳大觀字學禮良才之子任成都府守備有勇畧至性過人少子應星字聚五有父風

伊琦字懷璋恩貢生胷次坦白爲衆所信任乾隆五年修麗澤堂經營事竣以琦與汪倣侗爲首庸

胡啟虞字紹唐太學生丰儀俊秀性樂施與每歲饑輒竭廩穀平糶著義聲

陳欲亨字乾次州諸生性敦樸無機巧家故饒樂爲人緩急窮冬無告者資給薪米歲以爲常

蘄州志

卷十六

尙義

九

葉煥字度生幼失怙母張氏教之中康熙戊午武舉選青州千總未任居家好善樂施族里德之

汪倣侗字育中州諸生執親喪哀毀骨立事伯兄濂友恭曲盡輸金修麗澤堂造湖橋壩人稱其孝義云

湯顯名字嗣武仗義輕財宗族鄰里無少長咸德之前牧劉以耆賓舉

駱舉字育萬師書子性樂施予乾隆九年捐穀三百石分濟窮民又貸金貧不能償者令各驗券悉焚之

胡世祿字天申好義樂施每酷暑恒置義漿歲凶煮粥

濟餒德聲載道子萬年甲辰武舉

方其昌字未央諸生仗義輕財康熙己丑歲饑捐穀數百石以賑族里平居樂爲人緩急前牧劉以介賓舉田可斗字文舉好善樂施康熙癸酉歲饑捐米賑餒分守篆錫金牌獎之前牧張暨署牧劉累舉鄉賓子僕另傳

陳滋古字書澗例貢生性伉爽勇於爲善雍正五年捐穀數千石煮粥賑饑族鄰有貧乏者每歲出穀分給之州牧蔣旌其閭

詳通志

蘄州志

卷十六

尚義

十

張志傑字子占州諸生歲試歸遇婦人泣於塗詢之其夫負官錢鬻婦以償婦不忍別志傑探囊金代完婦得不鬻著有松筠堂詩集纂本草諸書

田僕字殿倫太學生尙義行時丁賦逋欠僕兄弟代鄰人輸納歲歉輒賑賙念沙徑無停泊地築墩建亭今名五里墩

江時珍字立遠太學生好善樂施杜門訓子儒學以優行舉

田之玠字宏道由太學考授縣丞賑饑濟貧率多義舉

晚年修圳溝西河諸橋梁不惜多金行旅便之

李鑑字治凌宣武將軍世忠長子事繼母吳氏以孝聞捐修北關外橫街輸糧者稱便周鄰里予殮葬減糶瘞骼善行著聞雍正十年以善人舉各憲旌其閭

陳篤祐字炳文號靜齋少精研爲諸生痛弟天遂薄仕進樂善好施捐藥濟病晚益醞釀百家吟咏自娛

江萬齡字涵萬由武生就例授千總未仕乾隆間西河驛及小河捐募修橋萬齡出貲勸其事

王鐸字振蒙例貢生家故饒周恤族鄰修理橋路雖多

靳州志

卷十六

尙義

十一

金不吝

童有稔字禾周少孤事母居氏善承其志里有二孀婦貧甚母憐之稔歲給衣食以全其節侍母疾奉湯藥三年不少懈族中有貧不能娶者輸金爲納婦每歲量發困廩以周饑寒又捐修橫河橋圳口路數百丈行旅稱便

汪啟邦字惟憲尙德義樂施予凡通衢險礙津渡橋梁多所修葺遠近僉稱美德

陳雍字敦仁州諸生博古能文辭尤善醫方多奇中診

貧者病藥不取值著有醫方三昧

管齊忠字思棠太學生性篤孝義初無子有負逋者願納女忠不許旋取券焚之丁未歲大水池可網魚僕執竊者告叱釋之舟夜行遇盜呼救來漁家子即所釋者諸如宗祠義渡皆竭資後生三子長以優行聞蔡敏時字君識性沉靜事父兄甚謹好施與每歲饑捐米以周貧乏族里不能嫁娶喪葬者貲助之時太守李州牧張廉其善各與扁獎賚有差

王世滋字思聖性篤孝孀母石氏孀居事之如母兄斯覺年老無子立滋次子滋復爲兄娶副室舉三子族

黨義之

李開宗字荆門父早世藉館穀饑母母歿廬墓待諸弟以友稱家雖貧必戒非義云

王世永字子配例貢生性穎悟料事多奇中少失怙以哀毀失明事母能先意承志

畢森華字玉章以尙義舉鄉耆年九十州牧蔣親履其門贈詩以彰其善

吳之煥字燦章幼失恃事繼母唯謹妻謝允得姑歡家

居雍睦與人無爭嘗解囊以助不給鄉人咸服其義
吳心亮字廷玉諸生妻李氏奩甚厚亮盡出其有以置
公產分諸弟姪州牧劉舉鄉飲介賓

黃時謙字敬純性耿介族黨多推重之晚年尤樂施濟
劉公河義渡年久多侵蝕時謙竭力清出增置橋筏
族人德之

李元燕字子居國學生事母孝外母守節無子元燕事
之如母兩兄中落次兄無子歿元燕以次子嗣並割
已產膳其嫂鄉里義之

蘄州志

卷十六

尚義

三

張繼錫字百朋友愛諸弟妻宋早卒錫終身不再娶收
恤族鄰與同憂患人稱其義

楊本謨字聖言性剛正多善行雍正年水荒捐穀數百
石以濟貧乏

胡學昇字燠萬國學生慷慨好義篤宗族敬鄉老養孤
子皆踴躍爲之

王瑗字景遠國學生直爽有局度不近非禮弟珩字禮
南讀書自定日程補郡諸生教授里中貧士尤資其
成就云

陳欲綸字彌先太學生有假貸不能償者嘗焚其券歲饑鄉里貸穀者減其息

江文理字光緒例貢生幼穎異好讀書事父母稱孝嘗置渡田復祀產收睦宗族無間疏戚

胡啟倡字紹伊兄弟皆早逝事父母以孝聞世居蘇家山義命自安風族屬以正不給者輒周卹之乾隆間舉鄉飲耆賓

鄧植字茂生性儉樸遇邑有大務輒踴躍勦其成周族黨之急歷數十年不求人知以上錢志

蘄州志

卷十六

尚義

古

李方茂號穆菴康熙辛亥歲大荒饑民枕籍發粟以濟死者瘞之有鬻子求活者予之資反其子人有徵督婚娶諸急百計成就其貸所未償者悉焚其券

玉棫字斯拔歲貢生選江南貴池縣訓導以老辭性剛正教人多所成就著有詩經題要禮記題要等集藏於家慷慨好義嘗捐貲募眾開唐家山蘄黃通衢置田租每歲修理行旅德之雍正十二年監修學宮明倫堂

王鑾號槐村增貢生慷慨任事首興麟山書院偕州人

士黃載安陳榮封王開寅陳干座捐銀二千餘兩置田以助膏火經理州志修葺文廟約費千餘金均不辭勞瘁州牧錢虞山雅器重之歿後曾爲文以祭子世澍世汜世瀛世濂世準俱諸生另傳

袁開宙號哲軒歲貢生性慷慨其女

旌節太宜人初適陳未一年寡遺腹生虞部詩賴宙以養以教俾得成進士爲名儒宙之子孫列膠庠而登外翰者七人 詳通志

陳述古字彭儒國學生賑災恤困乾隆初捐穀數百石

蘄州志

卷十六

尙義

五

入社倉五十年大饑時寢疾先命其子施米不繼又施粥不繼曰是不可以已也復令告糴豫章廣爲周濟至明年麥登乃止蜈蚣頸巴家橋大王廟界嶺等處礮路皆述古修建

李以慎一名傑國學生有胆畧乾隆十七年鄉匪結黨事發州吏目秦率兵百人捕其黨黨勢惡衆莫敢前請傑助遂大獲州牧李題氣屹如城額以贈精岐黃生平全活者甚衆三子俱列庠序

江惟金字繼緒附貢生樂行善舉捐籩塹河渡船一隻

行旅德之乾隆戊寅年州尊汪舉鄉飲大賓

田義祥監生端方慷慨友愛降服弟推讓財產乾隆五十年鄉里大饑施粥月餘家儲不足復承領義倉穀以竣事踰年賠補又買義山一所以瘞窮骸鄉里皆推重焉

陳榮封號端齋例貢生天姿敏異積學能文雅好義舉時麟山書院經費不敷封偕州人士黃載安等樂輸銀貳千餘兩又與黃天稔王世澍袁淮經理聘名師增膏火公項不足傾囊以助家道因是中落子有慶

蘄州志

卷十六

尙義

六

有節俱諸生有執孫紹瑞俱另傳

王世澍號時齋州諸生鑿之子克承父志經理麟山書院三十七年視如已事經費不敷揭家貲以供之如學宮兩廡奎樓文昌閣皆經其修葺並置南關外洲地千餘畝以爲文昌香燈之費州人賢之子裔椿孫映熊俱諸生俱另傳次孫映齡篤學力行克承先志陳林益號柳亭以例貢四人鄉閭性慤直樂善城北關外顧公橋孔道也就地主事重修蘄舊無考棚於麟山書院之側募衆創建重修沙徑義渡董修陳氏六

次宗譜並修祖祠祖塋子師曾良韜諸生孫符節符第諸生

陳尙義年五十無子買妾得某姓女至之夕女哭之慟問之則固有夫與子以窮餓故至此遂免其值而遺之已而慮其或別鬻也更多予之資其夫妻子母竟得完聚後尙義髮妻柳氏年五十學生二子

張載治太學生家素封乾隆五十年歲大祲竭廩谷以賑族里並礱穀爲米自是年五月至次年三月共谷千餘石鄉里義之

蘄州志

卷十六

尙義

七

陳顯駿字良馭太學生樂善好施有遠族子貧不能娶駿爲娶妻生子又族中有鬻爲僧者駿贖還之伯舅某貧且老駿迎養終其身又師朱子社倉之意約同人各出穀儲之公所俾附近居民取給歲荒存活者甚衆子筠壬午副榜

陳良榮號衮菴郡庠生篤行誼慷慨急公浚隍渠立賓興館費不給捐囊以葺其事嘗爲督課堂教子若孫子信淵信溥俱廩生信濂增生孫耀辰焜烈俱舉人漢與德彬暨曾孫輝北俱庠生

詹其祥號玉溪州庠生性誠篤讀書自娛尤以勵行敦本爲務父遠思以孝友聞痛祖墓失考甚多搜求得十數處咸建碑置產祀之其祥繼父志續置亦饒凡族中讀書進取及貧苦喪葬無資者咸賴之年七十衣冠端坐而逝子元瀚中道光壬辰科舉人 另傳

方凱周太學生嘉慶十五年歲饑新穀未登市價甚昂周捐穀二百餘石散發鄉里其妻每歲多購舊衣至冬分給貧者子承福亦敦厚於諸父行月餽米肉

黃登珏字東珩篤學不遇循例入理問職銜延名師主

尙義

蘄州志

卷之十六

十八

講家塾寒士來遊者皆有厚贈祖無遠近必捐金建祠祀之子兆崙州增生兆魁道光丁酉舉人

張廷贊號石潭鄉飲大賓幼失怙依兄以居及長代兄釋重負敬宗睦族建祠興學咸足矜式鄉閭修文廟建南門新奎樓葺文昌閣尤勇於赴義陸家橋大徑橋烏龜石皆赴州要津各捐渡船行者稱便下河廟橋梁高大屢頽屢建大費財力里有陶人歲歉梗於鄉贊貸之粟不取息自是不爲梗平生善行悉具陳虞部愚谷捐修文廟碑

王學智字易之 恩貢生歿後選南漳教諭嘉慶乙卯
州牧諭邑紳倡募改造城南文明所智一人獨理三
易寒暑費歎捐金竣其事

何清字晏澹諸生家素封好施予歲歉平價以濟貧者
後復糴以繼之老弱不取其值全活無算鄉黨義之
張元賀字光慶太學生性嚴正以興祖建祠睦族爲先
務族有貧不能娶者助之金有孀婦或欲奪而嫁之
爲代申以全其節

方蒼璧諸生嘗於歲饑竭廩穀三百石贍族里不足又

蘄州志

卷之十六

尙義

十九

貸數百石以助後鬻田以償

管秩倫太學生捐田十二畝弟世德世球世錄共捐田
三十餘畝庠生效文捐田十一畝共作義莊每歲分
給子弟辛卯甲午兩次煮粥賑濟流民德聲載道

金萬青號玉峯太學生豪俠好義鄰人涂姓爲仇家中
傷入獄青竭力維持始獲雪又鄰人王姓所雇牧童
李氏子以病卒於家李氏控諸官青方爲調停案遂
息青戶口單寡其貧者悉爲娶婦道光辛卯以來歲
比不登售妻女如犬羊金氏一門皆杖青全之其行

誼有足多云

駱其炯號秉堅太學生輕財好義每值歲饑以錢穀貸人有貧不能償者悉焚其券

周尙文號蔚菴州同銜年五歲父母俱喪與弟筠若待撫於祖母伍氏嘗於掛口捐渡船一隻往來稱便

甘家遴字掄魁號選樓道光甲午舉人品行無瑕壬辰歲歉代鄉鄰借穀百餘石眾莫能償遴悉以其館金賠完至今鄉黨猶歌誦之 以上潘志

陳斯廣例貢生 誥贈朝議大夫好善樂施畧無德色

蘄州志

卷之六

尙義

二十

建橋修路所費約數千緡行旅便之子淑姿主事銜熊才瑩字圭九太學生喜推解不圖報乾隆乙巳大旱貸借救貧家中落不悔尤重儒術每入塾必肅衣冠子弟皆嚴憚焉

張大瑞號祥子純謹質直與兄岱敦孝友樂施與鄰里匱乏時推解之州大夫高其義一賓鄉飲一舉善人云

陳麗生字金亭諸生 誥贈資政大夫性質直好施與鄉里有貧乏者每潛爲拯濟不使人知子煥二品銜

任安廬淦和守道灼候選縣丞燁江西補用知縣
陳良統號綉亭從九職銜敦厚好義鄰里困乏輒周卹
之遇事尤善排解咸豐初歲饑與族人鐵珊孝廉倡
捐穀八百石餘全活者眾子奉三候選縣丞

洪文書號蘭室候選管守府少孤事母益謹性篤實好
推解多所保全嘗道拾一囊約三十金跡其人反之
則完官賦偶遺者也其人方欲展謝不答而去子自
震五品銜孫安瀾壬戌恩科舉人挑選教諭

張鳳翼號栢岡太學生性端方好施與道光乙未早倡

蕪州志

卷之

尚義

二一

捐賑饑辛亥與子鄉試遇孀婦哭於墓詢其故曰夫
死家貧將鬻女以養姑翼遂陰擲金道旁婦拾歸乃
止子瑞霖舉人孫樹人諸生

黃達觀號朗亭太學生正色剛方不矜名利凡遇義舉
無不樂爲捐輸以襄成之晚年布衣蔬食晏如也子
濬源太學生孫居正增生居敬廩生

龔攀桂號超亭從九銜贈武德騎尉性耿直鄉里推重
歲荒減半平糶周濟里黨建塾延師敬禮尤人所難
及子三長焱標貢生次烈太學生龔雲騎尉三承烈

貢生

陳煥昭號灼亭太學生家素豐好施與凡鄉里死無棺者應時給之四子崇尙號虛堂有父風多義舉州進士陳小坡撰有虛堂公傳

范銓號制宜太學生性溫厚遇非禮不動聲色經理公私祀產增置倍於昔病篤時顧其子曰吾家頗豐裕當倡義舉子美琮美琅承遺命捐穀賑族里貧乏將軍關張家塋橋渡並置田租數十石有碑記

范位楹號孔安太學生事節母陳先意承志戚某家中

蘄州志

卷之六

尙義

三十二

落割租百石恤之乾隆乙巳歲大祲減價平糶復出穀給貧不舉火者曾孫星乙步蟾元孫兆韻俱諸生田相綱號義齋貢生性孝友待人溫厚尤好義舉凡培祠墓捐學田立字藏修橋路善行甚多子六傳瑩監生傳瓏文蔚貢生鵬程步雲世清俱庠生孫樹芳子益俱廩生新楚兆新子端兆江俱庠生目及孫曾七十餘人年八十四卒

吳德慧號穎川諸生篤於孝友家百口共食無間言嘉慶二十三年慧收租至佃戶某家時某死無子家貧

不能立嗣慧當將其所種之稞二十四石七斗五升
捐與某家收租俾爲立後人感德之子鼎森諸生孫
炳榮增生

方瑩號肅軒太學生大父嵩亭性端嚴治家有法度多
義舉瑩承其志亦勇於義負不能償者輒焚其券咸
豐辛酉髮逆犯境民被擄脫歸者道苦無食爲粥食
之累月不倦生平義舉多類此子詠昌舉人諤昌諸
生孫宗桀廩生

蔡世珍號錫嘉太學生事嗣母許能得歡心舅氏某家

蘄州志

卷之六

尚義

二十三

貧月餽錢米歷久無吝色又嘗以衣食濟里中貧乏
者子二懋林樹勲俱諸生

吳幾先號甫村候選衛守府慷慨好施家素封嘗減價
出糶歲饑與弟貢生觀禮分所藏以賑貧乏全活甚
衆長子銑姪鈺俱以冠軍入庠次子貢楠藩經歷孫
森廩膳生

李琢太學生性倜儻每作事必期有濟於人道光二十
二年饑告糶於湖南得米數百石分濟鄉鄰全活者
衆

張際盛太學生爲人敦品行尙氣誼嘗募修會龍庵渡
口長橋費不給捐貲助之道光時州人以學額隘謀
廣之盛爲之倡格於例未果行迨咸豐辛亥復與同
人籌辦事遂獲成

貢斯瑗性端方施舍不吝乾隆五十年歲飢道殣相望
家粟貸不足捐金繼之全活甚衆復置普濟渡田行
者不病涉

駱沛星生平寡言笑慷慨好施口不言惠里之貧乏者
恒倚賴之子熒光孫士麗皆諸生

蘄州志

卷之十六

尙義

二十四

駱渤宣勇於爲義道光己酉歲大水穀價騰貴鄰甘某
家貧累日不能舉火聞有鬻妻意急止之給以金俾
安其家遂爲夫婦如初後舉二子皆獲成立其他行
事多類此

吳先理苦心爲文不喜時趨年四十循例入成均生平
敦友誼重然諾初不私其所有嘗修獅市大橋行人
稱便

吳友道字飭揚太學生刻苦勵行能自樹立兄早歿猶
子尙幼撫之成人飲食教誨恒逾己出尤好倡義舉

捐貲仗助不吝也

黃澐字左江貢生好培墳墓造橋梁修道路施棺板賑恤貧鄰廢疾無家者恒寄食焉子昭字鑑明中書銜繼志不替性寬厚雖奴婢未嘗加以惡聲處事尤公正鄉里稱之

汪啟昌性好善乾隆五十年歲大飢爲粥以待餓者多所全活後值荒歉亦如之知州劉以一鄉善士額獎陳丹桂號德新郡庠生性篤厚喜設橋渡歲飢屢施餼粥鄰里有貧不能具棺者亦預備與之咸豐丁巳髮

新州志

卷之十六

尙義

二十五

逆犯境督團練隨知州彭應鯉剿賊捐資不惜子黠衣庠生

孫樂軒號廷吉太學生慷慨好義有古任俠風里中有孀婦含冤三年軒詢其故代白其事於大憲費千金冤始得雪乾隆乙巳歲大祲屆春初飢民載道時軒有田百餘畝多種油菜苗聽飢民擷食嗣是有田者均弛其禁全活無算州刺史聞其名嘗造訪焉生平重讀書築樹德堂家塾課子孫迨後成諸生者凡十

餘人

余紹賢性敦樸家故饒樂爲人緩急年八十終子由庚諸生

洪在上號雲亭太學生好義舉嘗捐貲築白水湖園隄費二千金子克昌貢生實董其役土人並祠祀之

龔本理號蘭亭家素封少讀書不喜制藝惟工吟咏著有聽吟山館詩草援例就都闈職銜生平多義舉不惜數千金州人咸羨慕之子四長灝三琴另傳次瑛四瑣俱理問銜

鄧世循例貢生勇於爲義凡族戚貧者時分給之延師

蘄州志

卷之十六

尙義

二十六

課子姪輩讀極誠敬晚年每過師墓必泣拜焉年九十卒子芳蘭姪錦江江子欽典俱諸生

葉松榮號雙蘄樂善好施道光己酉歲大稔榮出穀以賑飢者全活甚衆鄉里德之年八十四卒

張如源諸生家頗饒遇歲荒捐穀濟饑其生平慷慨爲鄉里所推重

張國芬號雲質諸生好行義舉嘗捐穀以救饑荒鄉里德之

何宗夏號雙峯太學生性剛直人不敢以非義干好施

與道光乙酉歲飢出貲濟閭里不足復典衣給之尤嗜學遇士有品行者敬之如師保或家貧不能卒業必多方成就盡力乃已故士林咸推重焉
蔡躍鼇號勳臣從九性鯁直鄉人有爭曲直者鼇輒以正言解之他如團防砦堡曾捐貲以助遇戚里有不給者無不周濟人咸德之

王聖埏號平原候選從九性樸誠兄弟極友愛嘗運糧艘往來南北當時摺紳先生如陳秋門給諫畢春亭太守陳小舫侍御帥懌齋觀察無不慕其篤實通以

蘄州志

卷之十六

尚義

三十七

聲氣偶有謀託無或棄遺故其名達於燕趙齊魯間至今人皆義之子珪太學生

陳燁號硯丞附貢生以州判辦勦捻匪保升知縣加同知銜需次江西時南昌歲歉助賑飢民全活無算大府鑒其誠篤方欲擢用而以受勞致疾卒於官

龔灝號廉夫千總銜性平恕承其父蘭亭志樂於施與凡蘄廣通衢橋路船筏修建費巨資不惜緣善病治岐黃術以自調久之術益精請診者盈門不受謝貧者予以藥第琴號雲峯太學生廉潔自持州中修

文武廟奎星閣城隍廟皆襄其事勤勞倍至與兄
鄉黨俱以長者稱之

陳廣東鄉飲介賓業醫治疾不索謝病者貧且予以藥
家中恒製方藥以待求者姪某貧窘將鬻婦廣東止
之與胞叔尙興堂弟恩照歲釀穀十餘石食之某夫
婦遂克完年九十有五卒

蔡長松號蒼山喜施予每歲暮散金給貧嘉慶年間太
疫松購藥施棺病者醫之歿者收之人稱陰德

陳賢階號蘭庭好施與繼祖志捐修六溪河橋筏咸豐

蕪州志

卷之十六

尙義

三十八

壬子歲飢與堂叔英蘭各出穀百餘石以賑鄉里邑
人稱厚德云

盧漸鴻號九達太學生道光二十九年大飢爲粥於道
拯之嘗施義塚山凡尸骨暴露輒收瘞且立碑諸善
書刻送尤夥子鎧武生

鄧一桓號蘭亭太學生性慷慨好施與精岐黃術嘗携
藥囊於市遇有疾者醫之不取值子以明從九術

蔡萬錄號函書性純厚與兄萬秋同養孀姑歷久不懈
妻母家窘甚養之二十餘年妻弟病癩令家居給衣

食里有惡少無恒業錄給資作小販歸遂循謹子木
縣丞孫兆熊中書兆藩巡檢兆元兆熊俱諸生

繆秉極號從堂好施予歲飢爲粥以哺餓者全活甚衆
族中貧乏者時周卹之家道中落不計也

陳一舉號鵠臣諸生同治間倡修福興砦全活多人僧
王過蘄時贈帑銀二百兩賊平後各大憲保舉中書
加五品銜

陳世叢號小山諸生幼從父祀宦廣東嗜學能文絕無
統袴之習尤好施予急人之急無吝色年二十餘卒

蘄州志

卷之十六

尚義

二九

梅榮清號瀾齋太學生性豪俠先年家頗豐因仗義輕
財漸至中落課子極嚴延師教讀敬禮無懈其善行
有不可枚舉者子玉枝諸生

楊大瀛號海山藩經歷銜性剛正讀書不屑章句延師
課于於家塾藕花齋立文社以期鼓勵故子姪取青
紫者聯袂而興道光辛卯歲祲出穀賑飢其餘義舉
尤多子五長培興諸生次崇興歷任荊州雲夢等學
訓導三衢興諸生均另傳四同興候選衛千總五復

興國學生

盛慶雲號晴峯性倜儻有義氣嘗與州諸生方樸初同
佐多忠勇公幕歷楚皖雍豫甘涼諸省丕著勞績後
樸初陣亡雲爲載櫬旋里人咸義之

李鄴書字五山廩生家頗饒性慷慨喜遇人急晚年痛
念家乘散佚輯稿三十餘卷捐貲付梓族里咸推重
焉

龔順號性齋太學生性磊落好排解嘗捐千金助修白
水湖圍隄土人祠祀之孫銑廩生曾孫子杰諸生

鄧學福號瀛洲優諸生性孝友尤好施與歲飢嘗爲粥

蕪州志

卷十六

尚義

三十

食餓者全活不可數計平生積學能文著有詩文課
幼草子國華郡增生

王廣潤從九品性忠厚族弟錫珊家貧無子潤以三子
爲嗣珊歿喪葬悉從其厚里有窮困嘗傾囊與之不
惜年六十二卒

施金以助東城東嶽廟年久將傾不惜重貲慨然重
建至今人稱其義焉

隱逸

魯論記隱者逸民皆不世出之士非獨其所遭然也
蘄舊志隱逸自宋以來不多載然猶不盡如古人今
復稍稍節去增人惟黃公一人志隱逸

宋

吳瑛字德仁以父遵路蔭任補太廟齋郎歷官虞部員
外郎尋請休公卿大夫知之者挽留不聽相率賦詩
飲餞於都門遂歸臨溪築室種花釀酒家事一付子
弟賓至必飲飲必醉有臧否人物者不酬一語但促

蘄州志

卷之十六

隱逸

三十一

行酒妹夫某嘗取家財數千貸人不能償瑛哀告之
曰是人有母得無重憂召焚其券其直率曠達類如此
明

袁信讀書敦禮聞義勇爲嘗以便民事陳言於朝特賜
俞允錫以爲善陰隲孝順事實二書年九十八無疾
而終子睿廣性孝謹居喪盡禮時人樂道之

朱紳字懋孚號竹坡居田野自食其力牛背夕陽卷册
相隨悲吟弔古慷慨激烈人莫能窺其際

詳府志

李建木字泰階時珍末子少爲名諸生試輒高等澹泊

耽書史未嘗一至公庭嘗路拾金立移日不去待遺者還之親戚或就貸不能償者輒焚其券亦不與人言萬歷三十六年大水孳死載道建木爲鬻以食全活數百人古稱隱德君子非歟初無子以兒子樹初嗣誥贈中憲大夫祀鄉賢

顧景星撰

翟文英號三楚山人蘄諸生萬歷間八風流諧謔放浪不羈以詩名尤工畫人物筆墨瀟灑輒有生氣標句新雅時人爭膾炙年八十餘卒

陳侯周字舜生州諸生父病割股以愈終身不再娶明

蘄州志

卷十六

隱逸

三

季棄衫履短褐芒鞋遯於山澤尋以壽終

余庭蘄諸生萬歷初負盛名與時落落不合人目爲狂督學使者試第一讓其狂庭徐進曰願受撻督學問故庭曰不願制舉耳督學怒撻之徐徐起出竟棄諸生耕耨自食每長歌田野間以詩名有雅兒莫作啼饑狀貽爾清貧樂更多之句自號三槐山人

盧楷字汝端號南槐才識過人少應童子試輒不利改就臬椽應謁選耻不獲大用年四十以親老力辭終養給告身爲州祭酒隱居於鄉築園亭濠上訓子若

孫治家甚嚴進退之間肅如也生平多格言閭里奉
爲著蔡數請賓筵固辭不赴大司農吳公採輿議廷
文昌閣悉以委之規模宏壯皆出其指畫卒年七十
有七以孫絃貴贈中大夫

國朝

顧景星字赤方號黃公天錫子生有夙慧六歲賦鰲山
燈時稱神童比長博極羣書詩文爲海內所宗與錢
謙益龔鼎孳王士禎相倡和尤工樂府兼善書法崇
禎末廷試貢士第一授福州府推官以不附權貴隱

蘄州志

卷十六

隱逸

三

居崑山縣

大清兵下崑山命以原職隨征辭養歸里沉潛經史精研
六書以獎進來學康熙戊午

詔試博學宏詞辭病不允已未春入覲 保和殿再以病
懇放還殿門著述顏其堂曰白茅有白茅堂詩文集
四十六卷行世又撰黃公說字二百餘卷以正正字
通之誤卒年六十有七祀鄉賢子八普晨樞俱諸生
昌舉人另傳

徐琮字侶蒼工詩畫精六書學金石刻具有法度與長

沙陳鵬年相友善著有古文篆韻五卷

方技

蘄人通藝術者自方朘以外他技無聞陳子謂不知醫者爲不孝蓋技也進於道矣抑瀕湖鹿門諸前輩指授淵源有獨得者與志方技

明

張慕愷蘄州人成化初慕愷醫道大行不論貧富一體施劑全活者甚衆扁其堂曰仁壽知州金銑重其人爲作記表之至今稱醫有源流云

蘄州志

卷十六

方技

三

陳泰號自然蘄州衛人廣積方書精明醫道診脈斷其隱微用藥咸有裁度教子億中壬子鄉舉年八十餘無疾終

韓泰字道誠常州府武進縣人高祖瑩元時爲蘄州路提舉子顯卿爲蘄春府醫官孫璽繼業三世遂占籍於蘄泰醫學精熟能甘淡泊憐貧施劑成化中禮部訪求明醫行取赴太醫院三年稱病歸里遂不起年七十九卒

郝守道字立夫以醫名燕齊江淮間論病治方多獲奇

功爲梅國劉公陸田周公所重皆有贈言大抵巧不爲鑿工不爲拘者也

龐憲號鹿門幼從李時珍得其學有客耳聾數十日以補藥投之不效就鹿門理脈曰胃家火也客曰屬腎與胃何涉鹿門曰君未知素問靈樞耳胃經絡起於鼻上過耳前或於食時則聾而甚一七而愈州守夫人病瘧診之曰此瘧勿藥有喜偶過十日當血下夫人不說而果血下亦一七而愈

通志

浦心常荆藩良醫所精士素脈通風角烏占每診視斷

蘄州志

卷十六

方技

三

人窮通壽夭百不一失用藥多立效後以壽終見顧氏耳提錄

國朝

明長人少事儒業改習岐黃脈理精確藥不妄投

鄧元縉字霞素善丹青與徐琮同師黃樵長後徐精山

水鄧工花鳥及寫真見黃岡陳太史玉照堂集

黃軒字著尚花草人物工細異常江南文士雅愛慕之

向與陳璠字崑崖同師縉陳亦楚楚有致

方舟工畫草蟲尺楮寸幅人寶貴之

省志

王萬彭號古吾武庠生善丹青及學窠書工飛白
歷所出名勝多題額如黃梅五祖寺石壁書爲藝林
所重詩援筆而成有逸致

王恕號蘭渚善山水人物品高神足率以大劈斧常水

墨皴爲之蘄州以畫傳者鄧霞素黃著南而後此其

繼武與

胡昌才上庠生號雲岩爲人慤實端方有治理才性嗜

山水精地理著有地理要言二卷谷應草詩文集梓

行

蘄州志

卷十六

方技

三

流寓

州舊志不載流寓府志錄長源以下數人皆安置茲
土者賢者一至此地雖遷移斤逐猶追慕之不忘如
此矧流風善政之在人者與志流寓

唐

李泌字長源徙居京兆七歲爲文天寶中詣闕獻復明

堂九鼎議得待詔翰林仍供奉東宮嘗賦詩譏詩楊

國忠安祿山等國忠嫉之詔斤置蘄春郡

通志

五代

陳曙蜀人嘗舉進士唐末避於蘄山中室中惟一榻素書數卷與蛇虎雜居雨雪滿堂亦自若數十年顏容不改後徙鄂渚不知所終

宋

劉摯字華老東光人紹聖初以在相位時改新法奪職居黃州再貶蘄州居住

通志

朱服字中行烏程人熙寧進士曾知廬州值歲饑便宜賑護全活甚衆後坐與蘓軾遊貶海州團練使蘄州安置改興國軍卒

通志

蘄州志

卷十六

流寓

三

宋喬年字仙民宰相庠之孫也仁宗召試學士院賜進士出身蔡京罷相貶保靜軍節度副使蘄州安置

孫傳字伯野海州人仕中書舍人宣和末高麗入貢使者所過煩費擾民傳言索民力以妨農功而於中國無絲毫之益宰相謂其詞意同蘓軾熙寧中所奏貶

蘄州安置

通志

蒲遠猶字仲俞成都人慶歷進士始授縣竹尉後移闈清令到官踰年病脚氣尋醫歸會任師中後在齊安館於臨臯亭不期月有孫叔康昌齡在蘄春以舟迎

遂家焉

詳自撰墓誌

元

顧士徵字季貞元平江路崑山縣人阿瑛第七子也正
統間進士至正末參江州總管李黼幕時黼總管江
州兼攝蘄州賊徐壽輝陷江州復陷蘄州士徵走詣
卜顏帖木兒請兵復江州進復蘄州以功遙授蘄路
總管固辭明初隱居蘄之鈇鉞潭躬耕自晦稱顧七
官人遂家焉年八十卒

蔡相字鈍夫原籍閩中建陽西山四世孫也元延祐二

蘄州志

卷十六

流寓

三

年成進士授衡陽令多惠政尋陞衡州守後致仕歸
路經蘄陽西河驛見山川秀杰遂家焉晚號西河隱
者

駱大四江西德安進士官於蘄喜風俗麗古遂家焉今
子孫繁衍

明

壽章陳遜俱吳人羅啟蜀人以仕荆藩占籍於蘄章子
儒舉進士遜子灝本府教授啟子志觀愿慤工詩

壽民

引年之典尚矣我

朝二百年來每屆

覃恩凡享遐齡者悉邀厚貺
斬州山川樸茂壽考孔多
因編之以表揚瑞異志壽民

國朝

諸生田登甲年九十餘五代同堂

增生胡藻年九十餘五代同堂

諸生胡啟錫年九十有五五代同堂

斬州志

卷之十六

壽民

三九

太學生王煌年九十有五五代同堂

太學生吳紳秀年九十有五五代同堂

太學生吳洪杰年九十有五五代同堂

太學生陳法震年九十有五五代同堂

太學生陳學訓年九十餘五代同堂

邱金鳳年九十有五五代同堂

余勳年九十有五五代同堂

耆賓吳栢舉年九十有六四世同居

明海洲年百有三歲五代同堂

李來淦年八十有八

太學生胡其俸年百有五歲

駱如川年九十餘五代同堂以上由潘志孝友傳摘錄
太學生田正明年九十有八五代同堂子相詩現年九十有六亦五代同堂

朱和地字德坤明荆藩奉國將軍常棊曾孫與妻詹氏均年逾九十五代同堂

胡來和年二十生子未周而妻詹氏歿家雖豐義不再娶年九十有三五代同堂前知州熊以熙朝人瑞額

蘄州志

卷之十六

壽民

四十

獎

張如墉字崇旭年九十有一五代同堂孫士彬諸生

太學生蕭世珀字毓采年九十五代同堂子萬青諸生

周正喜年九十五代同堂

王耀泰年九十五代同堂

朱宗貫年九十五代同堂

太學生黃大綱 馳封武畧騎尉年八十有七五代同

堂

翁效太年百歲

王楚魁年九十有八五代同堂

朱成岩字東山百有一歲

王德洲字鵬舉百有二歲五代同堂

太學生陳協律年九十有六五代同堂

王旭升年九十有六五代同堂

恩榮登仕郎鄧紹模與妻王氏年俱九十有九五代同堂

裴善英字起蔚年九十有三五代同堂子炳燮諸生

恩榮登仕郎駱長裕年九十有三五代同堂

耆賓胡宗一年九十五代同堂

蘄州志

卷之十六

壽民

四一

壽紳

欽賜翰林院檢討張其楷年九十七歲

王萬富現年百歲

補壽民

查克彩年九十五歲

王守珍年九十七歲